

有正味齋詩集

有正味齋詩集卷五目錄

錢塘 吳錫麒 聖德

翰苑集上

雜詩十二首

同陳寶所給諫鴻寶朱春浦司業蔡元景澱江考功江

錦游萬泉寺四首

九月六日雨中同衛訥旃德威舒古廉居荷莊念祖集

寓齋分詠重九故事得催租吏

花窖歌

丁香花下懷相圃春漪

晚自西郊投清楚寺宿次陳伯恭崇本韻

散館蒙

恩授職編修恭紀

移居用樊榭集中韻四首

九日夢堂相國招集獨往園和施耦堂侍御

學濂韻

荒莊感舊圖歌

并序

題羅兩峯

聘

仿東坡墨竹

鳳城新年詞四首

同徐鐵厓

立綱

于健園

鼎

戴可亭

均元

游法源寺歸飲

鐵厓寓齋同賦二首

送春三首

洗象行

顏魯公名印歌

題桂未谷

馥

溪山獨步圖

漢長毋相忘瓦歌為張瘦銅賦

漢廬江太守范式碗額拓本

哭胡竹城

盆梅

桂未谷以所藏山谷詩孫印贈黃仲則景仁屬余為詩

記之

上已集周載軒編修厚蕨清遠室分賦梨花得之字

蘇文忠公定惠院月夜偶出二詩草稿翁覃溪學士力

綱以摹本裝冊索題用元韻二首

題鄺湛若視銘并洗硯池字拓本

文丞相琴歌

趙孟頫小印

十月九日夢堂先生招集獨往園作展重陽會

覃溪學士圖蘇端明遊迹四幀索題四首

黃樓

雪堂

白鶴峰

載酒堂

十二月十九日東坡先生生日覃溪學士招同人寘酒

蘇齋宋芝山同年

葆醇

畫李委江上吹笛圖各題一

詩

正月五日耦堂侍御畱同張鄂樓形小飲寶石齋願章

田比部

續

繼至同用耦堂男字韻

毛雨香舍人

鳳儀

僦居王文簡公古藤舊廬招同李味

莊廷敬

士紫宇

春煦

何南陔

循

胡淇厓

榮

陳伯恭諸

同年小集仍用前韻

燕九日孫補山中丞

士毅

招集寓齋卽和其疊字詩韻

謝文節橋亭卜卦硯歌

杜文貞公遺像

張瘦銅屬題錢秀才畫鍾馗嫁妹圖

聽鼃和瘦銅

采蓮曲

和瘦銅積雨十二韻

夜齋次夢堂先生韻

朱文丞相遺像二十韻

有正味齋詩集卷五

錢塘 吳錫麒 監

翰苑集上

雜詩十二首

天馬西極來權奇待殊賞風塵久困躓
極下首頻仰但回一顧恩輒奮千里想
誰能芳草歇不望玉禾長努力事脩途
落日休慨慷

耿耿閃寒燈淒淒守貧女惄然朝忍飢
勉爾宵顧杼三日五匹成龜手可憐汝
秋情已如絲草蟲爾何語

良辰啓文譙高堂會朋儔華燈照中座
左右揚清謳雲雷奉奇旨方圓薦珍羞
纏綿故人意珍重要路游願申中鬱陶
藉畢心獻酬神飈激涼吹碧樹紛已秋
烟消燭房歛露下舞榭休笙歌

猶在耳泊然歸山邱

南園卉植繁中有不秋草涼雨立蕭森嚴霜凜寒皓豈無桃李
姿能競豔陽早盛時先自炫顏色那得老榮華在本根虛心聊
自保

士生山水區動羨烟霞境振策散奇懷每造猿鳥請明月頂上
來和身墮蘿影風虛響時肅境悄心屢警遐思高志人豈在守
箕顙登霄鸞翅修隱霧豹文炳耕釣可終身天下爲引領

獨立蒼茫裏四顧誰晤言迢迢念古人荒荒見寒原惟聞白楊
樹悲風吹黃昏自非王子喬安能謝塵樊揮手跨鶴去前導雲
旗翻至今緱山路人疑笙吹喧

呢喃雙燕子營巢各東西遠銜沙洲草近啄濁水泥不羨華屋
好但戀茅簷低富貴迫危幕貧賤安故棲長願與主人百年壽

命齊

黃河天上來其勢本北注東之使南行奔騰遂善怒砰磅駭晴
雷混漚涌素霧帆檣泝來程波濤激後路蛟龍暗睨人馴致多
方誤一壺怵千金輾轉生恐懼徒抱濟世心望極中流樹一歌
行路難再唱公無渡

霜氣薄鷹背風色刷馬毛天秋塞草低日落邊笳高身馳交河
道目注長城切青苔閱今古難使白骨豪英雄各有志何以酬
孟勞

明月照曲巷紅樓中有人不見馬上郎但見馬後塵一朝葑菲
棄永割恩愛親舊雨不如今故衣安得新已落鏡中色敢歌陌
上春賤妾固已矣勗哉君子身

昔游嚴陵瀨遠望金華山羣羊互騰蹕各各凌孱顏風雨倏忽

生疑是初平還驅之逐隊走出沒金光間神螭安可駕螻蛄徒
思攀玉童來致語贈我石可煮謂立三千功終當迎接汝寒暑
歲易更靈丹幾時成綠波盪海月脆若琉璃聲王母坐紫宮霜
落蛾眉驚呼龍種瑤草昨夜桑田平

灼灼芙蓉花託根在清池微風荷披拂馨香宛在茲誰歌仙人
篇臨流欲招之白露皓已盈珠重難自持甘守君子性逝與秋
水期

同陳寶所給諫

鴻寶

朱春浦司業

蔡元

景澈江考功

江

錦

游萬泉寺四首

同用遊萬泉寺四字爲韻

寫此秋士懷曠然于野謀十里暗蘆葉乘車若乘舟倏忽塵土
夢吹落江湖遊空明見水態挂向高樹頭不知人烟生但露茅
茨幽雞犬靜不聞禾黍香更稠行行路漸近鐘聲出僧樓

寺門外有泉環以樹無萬曲折凡幾里到此乃一頓居人饒種
植花香藕亦嫩踏藕我方來紅衣已先褪似憐髻上塵涼沫爲
屢噴七椀借僧庖且煩暑茶券

沙彌導客去一徑松栝穿怪鳥啼我後石獸蹲我前下有陳死
人家高象祁連百年富貴骨一朝蔓草纏豈無諛墓文煌煌功
德傳風雨不相惜齷齪跌沒寒煙魂魄縱有知安能到酒泉我今
不痛飲明朝已華顛

行樂須及時濁醪亦旣醉颯然涼雨生水風不可避陰晴殊俄
頃萬象入淒異菰蒲散餘聲雲霞聳晚翠秋色來何方天涯緬
迢遞芒鞋謝樵牧高蓋擁車騎徒聞招隱書遠辱故山寄歸聽
草蟲鳴催夢落僧寺

九月六日雨中同衛訥旃

德威

舒古廉居荷莊

念祖

集

寓齋分詠重九故事得催租吏

宛然潘老苦吟時風雨瀟瀟客到遲且喜催租無小吏不妨就
菊賦新詩人能送酒門煩叩家本無田稅可知何日荆扉相對
掩故園兄弟蟬同持

花簪歌

東風十日吹人倒撲面黃塵飛浩浩過雁猶啼冀北寒懷人但
唱江南好菜畦縮甲木不荻閒愁鬱結無由開鬪雞芳草缸徒
酌花戶油窗夢屢回比鄰侵曉佳招及相見交催馬蹄急城隨
列雉幾里沿徑轉修蛇一條入到門但聽蜂聲邀已有香氣空
中飄車帷閉置憐新婦金屋安排羨阿嬌通明繭紙糊冰素密
眼重簾織蘆護煖火深房活燄通培泥小墪陳根傳一重一掩
曲更斜闌然走入東皇家權分戚里移春檻豔奪宮人剪綵花

噓寒作煖爭頃刻蒸出天台霞五色迷離三里霧中看宛轉九
張機上織朝暎倒射晴一窩陽春有脚句留多畫旛預遣封姨
避宿室先熏鄭伯醅自誇老作灌園長好事時來貴人賞催趙
花風廿四番消除白髮三千丈挽回造化同兒嬉此術豈復人
工知仙家縱有鶴林跡遷客徒詫藍關詩好枝次第春堪揀識
得嬋娟要青眼夕照馱歸下澤車黃金費却中人產聞言令我
生咨嗟吾鄉花事西湖誇韶華豈用一錢買矜寵何曾九錫加
吾

皇重稼咨田畯日爲蒼生念飢饉長吏能敦鄭白耕相公不許
姚黃進似爾機智矜囂囂厥咎毋乃爲木妖生香活色何從見
冶葉倡條那足描行看澤布陽和早到處春光任幽討簪帽
來聽上苑鶯拂尊去藉豐臺草天喬滋長總由天本厚還須得

氣全羯鼓一催譏作俑唐花名字至今傳

丁香花下懷相圃春漪

苔徑微微起晚寒無人花下共憑欄一分已覺堪憐早百結緣
知欲放難容易愁生偏我伴尋思畫出寄君看不須西向長安
笑春色江南似海寬

晚自西郊投清楚寺宿次陳伯恭

崇本韻

陰晴渾不定水氣雜雲光泉繞鷺身白雨生荷葉涼樓臺天字
矗禾黍野田香我欲諮禪去鐘聲出上方

散館蒙

恩授職編修恭紀

青氈落拓愧平生黃紙傳宣荷

寵榮弟子職纔辭北面秀才官已重西清草茅得竊非常遇文

字難酬本分名長幸簪毫依

舜日此心惟願作葵傾

移居用樊榭集中韻四首

巢痕根觸雨風餘一歲長安屢卜居但與虛舟同泛泛何須夏
屋計渠渠樹陰綠處安新榻梅子黃時憶故廬滿眼雲山圖畫
在臥遊便擬狎樵漁

功名三十未華顛人羨登瀛似列仙菽水光陰南去夢妻孥消
息北來船纔成溥宦偏多感却爲新居屢損眠祭竈明朝謀一
醉典衣先辦酒家錢

插架圖書整復斜不多家具也堪誇尋僊竈老爭千古釀蜜蜂
豪聚百花三豕訂訛求善本一鴟修費借鄰家他時夜讀聽兒
輩瀉水聲多莫厭譁

閉門剝啄喜無聞
破硯枯棊罷策勲
酒後但論吾輩事
胸中要有古人云
好留苜蓿常供饌
豈羨芭蕉易出羣
鄰樹不須誇借蔭
一枝我已上林分

九日夢堂相國招集獨往園和施耦堂侍御學濂韻

一雁遙翻日影來
雨風齊罷共登臺
相公亦愛閒居樂
佳客真成獨往才
白髮紅顏珍晚節
黃花紫蟹勸深杯
多情憐我狂名在
馬上欹斜醉帽回

荒莊感舊圖歌并序

明嘉靖中張莊僖公劾嚴嵩父子
伊王典樸爲一代名臣暮年
其弟侍郎公爲築室菱湖極
一時裙屐絲竹之盛世所稱
四雨莊是也今已爲禾黍之
區舍人墳爲侍郎公六世孫
繪圖以紀之而屬余賦其事

余家本住吳興里近徙錢塘百年矣一船風雨過西陵年年來飯棠梨裏

余家祖居烏程有莊在西湖村歲時掃墓每宿于此

舍人生長姑蘇臺洲源乃是菱湖

來却思先世釣遊處

兩家鷗鷺無相猜

比來同在長安住祖德

重看後人賦一幅圖開四雨莊呼余來認茗溪樹茗溪清遠多

釣家門前流水足魚鰕飯香酒熟門不掩好風吹落溪頭花花

飛直過前村裏略約一條橫跨水桑柘陰中曳杖來無人識得

尙書履尙書朝內有聲名袖裏彈文四海驚權相驕王俱膽落

獨盤一鶴唳秋清此莊誰爲經營好哲弟侍郎歸更早豈少機

雲才調傳竟容求點山林老百年無復數清門久矣天涯散子

孫蘿磴蟲啼寒白日柴扉草長掩黃昏舍人感舊尊前說指點

溪山重識別午橋零落子欷歔丙舍荒涼我嗚咽白蘋洲上可

垂綸何日仍邀作比鄰一畝先人敝廬在與君同賞綠楊春

垂綸何日仍邀作比鄰一畝先人敝廬在與君同賞綠楊春

垂綸何日仍邀作比鄰一畝先人敝廬在與君同賞綠楊春

題羅兩峰

聘

仿東坡墨竹

一竿老秃態轉道一竿搖綠烟未收其旁孫枝抽瑣細嫋嫋似帶秋風秋坡公畫竹具竹理後人貌似非神似湘娥有淚不肯彈幽谷荒涼紫蘭死兩峰子足繭千山萬山裏日與此君親能得此君髓滿窗風雨綠玉橫夜涼不覺清聲起醉墨淋漓尙未乾儋州當日見來難三錢爲替雞毛筆寫出脩脩鸞尾寒

鳳城新年詞四首

日射觚稜曉色鮮東風未散六街烟太平偏是兒童解鼓打春聲面面圓

郭外輕車響似雷風前繡幃有時開

君王明日親祈穀小隊紅粧看象來

春風吹過市聲齊人影衣香趁馬蹄骨董新攤燈又上遨頭都

在雕東西

牡丹纔圻帶朝酣桃萼旋舒笑口含看到唐花春一色幾人紅
雨夢江南

同徐鐵厓

立綱

于健園

鼎

戴可亭

均

元游法源寺歸飲

鐵厓寓齋同賦二首

春風吹老幾杪欄古事茫茫歷劫過碧血長成芳草易青苔
出落花多鐘流佛閣聲鏗戛旛護禪房影颭磨爲覓經幢重別
辭牆根半晌夕陽慙

蹇驢欵欵共歸途良夕重開主客圖照我燈花宜酒食從君煙
水話菰蘆吳雲越樹俱千里荻筍櫻桃又一廚容易東風增愴
惻故人回首隔黃壚

胡家純甫聯撰
沈視香編修

送春三首

不是山阿卽水隈一條歸路夕陽催離筵乞我今朝醉焚尾花
開石首來

落花飛絮滿煙波九十光陰去似梭蹤跡年年何處覓一回白
髮一回多

東風轉眼卽天涯我爲春歸苦憶家偏是禁人歸夢去江南一
望綠陰遮

洗象行

玉河橋畔薰風動鏡影搖浴連蟬快馬通衢盡日馳香車夾
道今朝闕紅旗導自象房來腰鼓喧闐戢若雷上巳稌宜人祓
濯三庚浴稱爾恢京二十四象行絡繹突兀如山路爲窄眼膜
瞶動太迷離亦體鱗皴全刻畫蠻奴赤脚身手便牽引羣教赴
玉滯境見截流能徹底忽驚蹴浪欲掀天翻身似與龍公戰貞

闕鱗堂互旋轉冥搜無際一渦深透出中央萬花濺歸然躍起
陂塘高柳絲拂背涼騷騷奇姿陡發牙撐雪餘怒難消鼻捲濤
宛同休沐

君王賜赤芻重裝璜珞破騰驤豈許馬蹄驕蹴踏翻思戰場利
古來教象作象兵異物亦知人性情海國刀橫朝斫陣吳師燧
八夜燒營

聖朝無事惟馴養格澤騶虞共來往三品叨支上苑芻兩行慣
立含元仗歲歲春明故事循不須畫本爲傳神歸途一路崔巍
影憶殺宮牆待漏人

顏魯公名印歌

精神萬丈光燭垣朱文二字蛟螭蟠浩然之氣在天地至今尙
識顏平原生竭臣忠死臣職嶽嶽公名呼不得誰狀嚴霜烈日

心如見握拳透爪力功德記田神功坐位帖魚朝容書成鼠尾
健鈴以芝泥紅外而藩鎮內闈寺直欲鎮之方寸銅二十四郡
義士死又聽鄭州鼙鼓起此身幸脫軋犂山此口難逃藍面魃
羽衣蛻去碧草愁乘風身已歸羅浮仙壇小字空押尾桃花一
笑三千秋泥沙洗濯寒芒紫漉漉血痕能沁紙吁嗟乎睢陽齒
南八指常山之舌亦如此

題桂未谷

馥

溪山獨步圖

路自雲中入泉從竹下流樵夫不到處落葉幾時秋招隱鳥相
喚忘機人獨留前溪多暝色風雨暮山頭

漢長毋相忘耳歌爲張瘦銅賦

瑤宮櫛櫛銀雲流魚鱗密織蘭江愁苔錢繡地浣紅錦六百鴛
鴦泣秋枕棄捐羅扇歸長門冷螢夜照相思魂土香一片凝荒

綠字與迴腸同九曲榴子斑斕心苦酸露華不瀉仙人盤白楊
風起紅桐死銅輦淒涼殘夢裏夕陽瓦礫滿人間地久天長只
如此

漢廬江太守范式碑額拓本

素車白馬紛紛走世無巨卿誰死友遺傳猶存獨行名殘碑不
蝕千年後任城地本金鄉鄰君之故里留貞珉甘棠遺愛勿翦
拜名字脫口猶鮮新其人雖不見其事請具陳孔仲山陳平子
交友何曾聞生死二年之約千里每吁嗟元伯知尤深至今片
石未磨滅我疑卽是平生心不見李膺杜密稱人倫激揚能使
士氣振卽如君家孟博亦英傑甘以死侍龍舒君君名幸不罹
黨人以清爲秋和爲春廬江江水照顏色共道太守真如神功
名不在爭奇績今古山阿終寂寂餘淚猶揮峴首碑故人易愴

山陽笛

哭胡竹城

人壽良難比大椿中年何遽殞斯人功名蟣蝨難爭命風雨鴟鵂易愴神愁不能澆翻縱酒樂何如死竟抽身梅花百樹清泉繞今日林家許結鄰

盆梅

黃昏亭角月來時疎影看從紙帳移無夢空山等鶴伴倩誰縮本寫苔枝江南信息相逢早硯北光陰欲放遲消得屏帷好清福不愁故故側風吹

桂未谷以所藏山谷詩孫印贈黃仲則景仁屬余爲詩記之

金華仙伯歸玉峰踏雲去弄青芙蓉詩孫未識是何代朱文小

印銅花封未谷得之不自有却付公家後人手後人詩好繼前人如向蘇門見黃九西江妙語誰討論心香一瓣今猶存公於此派爲鼻祖後起母乃皆兒孫淵源況復同一綫豈謂工詩例貧賤夢中綵筆尙能傳但作詩孫吾亦羨乃公昔日淪謫多簪花白髮愁如何磯頭徒感新婦石天上自唱琵琶歌黃生黃生今少年置身合在青雲邊肘金如斗亦容易蟲魚不用窮雕鐫春燈搖綠杯浮蠟座上如君能有幾我歌便欲索君詩還乞芝泥紅押尾

上巳集周載軒編修

厚轅

清遠室分賦梨花得之字

偶得味外賞停觴對幽姿好風吹雨來日夕膏沐之託志在貞素容華非所期娟娟洗塵蹤獨立春陽時蝴蝶滿南園不惜東西吹芳情未可竟誰賦靜女詩豔雪動新眷流雲還舊枝垂簾

覓遙夢月落空長思

蘇文忠公定惠院月夜偶出二詩草稿翁覃溪學士方
綱以摹本裝冊索題用元韻二首

去年明月峴山亭今年明月黃州夜先生謫官心自閒飛逐蟾
光時上下當空正聞鶴唳發快意安得鳬花瀉逡巡佛座燈火
明掩冉禪幢竹枝亞孤懷自覺古人好詩境還從老僧借每憐
鬚鬢漸衰白肯使才華先退謝平生豪氣閱湖海夜半高歌動
鄰舍拈毫何必傲來禽飛翰真如舞干蔗但愁攻玉玷未除豈
恤塗鴉醜可怕詩成一笑天宇寬舒李區區安足罵

蘇齋兀兀思坡仙終日清吟坐忘夜雙南流落良可惜寸管臨
摹敢輕下槎枒芒角當胸橫歷亂珠璣滿盤瀉精神欲挾三昧
出真蹟何疑一等亞於今明月亦依舊當日光陰不容借千年

鶴化詩僅存院裏紅棠幾開謝紛紛過眼盡雲煙草草閱人如傳舍我詩自笑添足蛇公作堪憐斷尾蕉遺篇傳寫亦云幸沒世無名吁可怕如余草薺幾牛腰一錢不值憑人罵

題鄺湛若硯銘并沈硯池字拓本

硯側鐫天風吹夜泉五字下有明福洞主印今藏王蘭泉廷尉

處沈硯池在興東光孝寺前潭邊學士使勇拓其字以歸與銘合裝成軸

君詩乃在瀟湘洞庭閒美人老去凋蘭顏乞歸一勺楚江水手洗芙蓉不肯閒此硯從君共往還此池流水日潺湲海南遺字刺風雨太息畸人閱歷艱高莫高於鴉咋山遠莫遠於鬼門關天令絕域顯文字銅柱手剔苔花斑壺笙蘆管盡收拾記成赤雅誰能刪藍胡二月歌羣蠻彈娘妙舞搖花鬢鵲之鵲之雙活眼見君手畫蛾眉彎歸來抱琴死忠義片石寂寞留人寔招君魂兮渺渺石有淚兮潛潛雲車霧駕安能攀天風颯颯夜泉起

明福洞邊聞珮環

文丞相琴歌

琴爲閩中何氏家藏上刻文山詩云松風一榻雨瀟瀟萬里封疆不寂寥獨坐瑤琴遺世慮君恩猶恐壯懷消後題云時景炎

元年蒙恩遣問召入夜宿清原寺感懷之作譜于琴中識之梁斯儀同年上回招其友亦示余爲作此歌

上絃謾謾松風鳴下絃汨汨乃作厓山之海聲當時一彈再鼓
處山石欲裂天爲驚永嘉道出清原寺雨黑燈昏不成睡手揮
行篴七條絃詩寫孤臣兩行淚泣山鬼兮雪沉沉感君恩兮波
深深哀哉丞相琴卽是丞相心慘曩尙記板橋道麥飯誰哭冬
青林景炎時事可知矣空抱壯懷猶不已五坡嶺零丁洋可憐
道路摧肝腸何如清原山中留宿夜清商一曲龍吟長生在南
天死北地流落孤琴舊時字故友惟留玉帶生西臺已碎竹如
意吁嗟乎壞淒淒涼五百秋茫茫誰刺海濱舟高山流水臣心
在彷彿黃冠故國遊

趙孟頫小印

鷗波亭畔鷗夢空王孫草綠烟濛濛琴心誰託大雅字紙尾剩
押芝泥紅西風禾黍成陳迹此印珍於三品石相卿祇是秀才
官堯山堂外紀元主見其儀貌非常密至閣中相之曰秀才官問姓傷心天水碧何處春風對仲姬道
場山色寫蛾眉粉奩別有風流在一例朱絲倒好嬉

十月九日夢堂先生招集獨往園作展重陽會

有約登高補舊遊相公佳話重林邱諸峰紅樹新添醉匝月黃
花未了秋時十一日風意較寒防落帽笛聲何處更登樓豪吟忘却
歸途晚雁外斜陽一綫留

覃溪學士圖蘇端明遊迹四幀索題四首

黃樓

長洪萬頃接樓前人去樓空六百年白酒黃花幾重九羽衣明

月一神仙憤王何處尋祠廟水伯曾來聽管絃五丈大旗干柄
鋪關心憂樂是前賢

雪堂

兩年衣食得粗安辛苦營堂及歲寒月小恰當門口出雪奇常
就畫中看此身只願東坡老有婦堪謀斗酒歡蠟燭高燒風雨
夜對牀兄弟話團圓

白鶴峰

蹤跡平生似雪鴻移居三月太匆匆峰頭白鶴難留客地下朝
雲定與公萬里夢尋歸路遠一篇文剗上梁工分明愧殺宵人
輩若箇烹羊告奠豐

載酒堂

三畝分來水木村黃柑丹荔密遮門多情海舶書千卷撥悶生

黎酒一尊蛟鱷波濤隨地湧
桄榔風雨接天昏
祠堂今日諸生會
誰是黎家舊子孫

和瘦銅初塞新葺小齋詩

閒房料理約消寒
叢雜琴書一榻安
花戶油窗添眼亮
竹籬茅舍最心寬
酒家拚欠尋常債
座客難分大小冠
十月開爐應有例
好催茶把送園官

十二月十九日東坡先生生日覃溪學士招同人寘酒

蘇齋宋芝山同年

蘇醇

畫李委江上吹笛圖各題一詩

山巉巖兮赤壁磯
曲嫋嫋兮鶴南飛
先生高帽披羽衣
李委紫裘仰以睇
穿雲裂石聲庶幾
乞公好句公勿違
二十八字妙墨揮
風寒日落醉未歸
歸時漁火江心微
七百年來此樂稀
蘇齋今夕開書幃
拜公遺像室有輝
或者履走衝烟霏
或索花笑拈

芳菲

是日經土壘公像凡數頃

冥茫更發造化機笛聲透出蘆之碕鵲巢下俯

植十圍狀公危坐高巍巍花豬食少瘦不肥憂讒彷彿聞紫紉

西風撼木如呼豨口變慧以成珠璣不逢堯舜居宮闈湯火那
逃羣小誹命官磨蝎搜世轍桑弧夢卽通轡轂方今斗奎人所
希文章精氣彌八圻倏而來下揚雲旂踏赤繩公是邪非江光
欲起月上扉百東坡在吾安依

正月五日

耦堂侍御留同張鄂樓

并

小飲寶石齋顧韋

田比部

震

繼至同用耦堂男字韻

新詩來往遞雲藍咫尺芳鄰接巷南勝日斜川難得再開賓不
速恰成三米家有舫皆書畫酒國如余視子男吟到黃柑青韭
何但聽下筆響春蠶

毛雨香舍人

鳳儀

僦居王文簡公古藤舊廬招同李味

莊廷敬

王紫宇

春煦

何南陔

循

胡淇厓

榮

陳伯恭諸同

年小集仍用前韻

幾箇門生青出藍已誇裘屨盡東南此間老屋藤逾古我見于
今主易三感舊人難知甲子讀書君又課丁男花開似錦須珍
重辛苦從前作繭蠶

燕九日

孫補山中丞

士毅

招集寓齋卽和其疊字詩韻

風光次第好春回曾續消寒許更陪才子幾人持節鉞神仙一
樣愛尊疊明燈綺席銀花落舊句已衣錦布裁君是丹砂牀上
客刀圭乞與換凡才

謝文節橋亭卜卦硯歌

卦硯歌

謝侍郎自從信州不守趨建陽橋亭賣卜卜何事乾坤到此俱
茫茫惟有一片石與之偕行藏此身拚爲趙家死此硯千秋歸

謝氏捲起厓山百丈濤紛紛吹作硯池水朱鳥化去白雁來君
家義士哭西臺可憐市上垂簾日陵畔冬青花已開吁嗟乎三
寸舌不可說一腔血不能滅車馬誰將龔勝迎雪氊肯學蘇卿
鬻萬里行行采石磯山河破碎淚沾衣久拋此硯橋亭路瓦礫
斜陽秋草肥摩挲重在孤燈下蟬響蛟螭寒氣瀉問石難尋卜
卦人作銘誰是采薇者轉茶坂頭夢不回憫忠閣畔靈當來當
時却聘書曾寫遺墨氤氲萬古哀

杜文貞公遺像

兵戈滿目感時危瘦骨高顙心自悲千里麻鞋豺虎險一身飯
顆鳳凰飢君臣正氣存風雅妻子空山哭亂離廣廈萬間徒有
願更無人寄草堂贊

張瘦銅屬題錢秀才畫鍾植嫁妹圖

鍾進士汝居終南山日對芙蓉縹緲之仙鬟於鬼爲伯仙爲頑
胡爲婚嫁猶未畢青衫破帽游人寰彼美人兮榮玉顏千里不
辭道路艱烏犍一隻遣嫁去阿兄奩贈何其慳其旁一鬼捧羔
雁想見蹇修辭令嫺錢生圖此當午日丹砂染出朱脣殷行屍
走肉共遊戲壻鄉度亦非人間誰其主者飢飢使歌以侑之菩
薩蠻艾葉帳石榴環小妹往阿兄還

聽龍和瘦銅

跳波鳴得意水氣雜清渾古寺魚聲續前村雨點繁淫哇傳鼓
吹科斗長兒孫損我池塘夢連天芳草昏

采蓮曲

采蓮復采蓮蓮花滿波面風露浩漫漫日暮人不見不見采花
人但聞花中語蓮花慣識儂蓮葉可憐汝葉葉花花高復低采

蓮人逐水東西可能花紅如臉媚可能葉綠與鬢齊中流風起
吹花側曼臉柔鬢藏不得載取蓮花滿畫船女兒爭似花顏色
涼生細雨搖綠紗鴛鴦只在女兒家但願朝爲比翼鳥但願夕
爲並蒂花花開還結子絲絡成連理子多苦自在心頭安得絲
絲常不已去者日逝者波秋風來將奈何采蓮女兒倚櫂歌手
挽長帶垂纖羅折花防刺手臨鏡自窺蛾不愁風浪隔前浦只
愁明鏡掩衰荷大隄驄馬年小子搖鞭直入斜陽裏平生買笑
向青樓何日看花過綠水小姑愛花紅大姑愛花白紅白從教
蕩子看天寒褪盡衫痕碧采蓮不知歸采菱菱已稀行雲波上
自來去阻住歌聲不肯飛美人空斷腸流水年年香栽花不及
藕悔嫁汝南王

和瘦銅積雨十二韻

過雨陰猶積連宵滴更繁
炊烟迷樹杪砌水響苔根
鼃居相逼魚龍勢欲奔
人徒占甲子天只易黃昏
簷竹千條直街泥一尺
渾篷聲牽舊夢屋漏篆新
痕古巷稀聞屐先生合杜
門兼旬真目極小住亦眉
軒曲港平田合高荷大芋
喧引蝸隨壁綴防蠹逐書
緡涼覺羅衾薄香須石葉
燔素心吾輩在好約翦燈
論

夜霽次夢堂先生韻

殘滴尙簷際月生何處山
徘徊中夜久窈窕片雲閒
秋色看高樹明河遠故關
濕煙流不盡隱隱翠微間

宋文丞相遺像二十韻

有天啟元年五月周忠介公題名

人生皆有死但取此心丹
汗簡千秋在遺容再拜看
秀眉與長目古誼復忠肝
聲伎捐除易英雄號召難
中原無土地滄海更波瀾
花鳥西湖盡烽煙九廟殘
全家罹虎穴微命託樵餐
半壁

難存趙三年未報韓橫江來白雁歸計失黃冠帝哭冬青冢臣
悲皇恐灘王孫鷗影斷師相蟀聲寒負愧寧逃史成仁信蓋棺
棱棱冰硯剩續續寶琴彈異代誰同調題名誌肅觀對公雙淚
落念國萬憂攢緹騎南天下淒風北寺酸刀砧戕正土社稷殉
中官共有青編重安能碧血乾頭顱紛義侶竹石激哀湍明月
遙相照蛟龍夜鬱蟠

有正味齋詩集卷五

有正味齋詩集卷六目錄

錢塘 吳錫麒 聖徵

翰苑集下

辛丑十月移居蒲褐山房卽趙天羽給諫寄園故址
移居以來同人多以詩酒相招醉後成篇仍用前韻
施耦堂侍御和余移居寄園詩二首雪中枉存出以見
示仍疊前韻奉報

佛手相十六韻同于健園同年作

歸鴉

題裕軒學士 圖翰布 蔬繞亭

長棒寺滲金多寶塔歌

至後大雪用東坡聚星堂雪詩韻

雪後霧淞大作連日不止疊前韻

題吳仲圭墨竹

東坡先生生日覃溪學士招同人謁公像於蘇齋用小坡斜川集中大人生日韻五首

元夜值雪耦堂招飲同陳寶所給諫作

元延銷歌

遣妻子南歸志別六十韻

題畫蠨

雪後同祝芷堂先生曹習庵七虎周敬軒兩前輩趙穆

亭大理承杰集陶然亭分韻得松字

夜集趙穆亭不自棄齋分韻得與字

題蔣仲和和傳箴圖并序

桂未谷司訓自濟南以所得醉鄉侯舊銅印寄贈賦此

奉謝

題王文簡公載書圖四首

臘月七日胡書巢太守

德珙

王若農少府

尚珏

招集寓

齋分韻得宵字

鄭公釣臺圖用程篁墩舊韻爲程易疇孝廉

瑞田作并

序

雪羅漢二十四韻

冒風出右安門看花作歌

禮閣分校卽事五首

題洪上舍

範

畫苑梅種竹圖送程魚門編修卜居江寧

二首

宋芝山孝廉畫蕤梅種竹第二圖再送魚門二首

紀事三首

題周韓江心穀納涼圖二首

魚門將由陝西而南病卒於秋帆中丞署中賦詩志痛

三首

題趙味辛舍人懷玉春湖晴泛圖三首

宋孝宗書統扇真迹

哭施耦堂給諫二首

題黃仲則遺詩後

程松門畫漁洋先生夫子亭第一圖桂未谷自山左寄

京師索題

有正味齋詩集卷六

錢塘 吳錫麒 聖徵

翰苑集下

辛丑十月移居蒲褐山房卽趙天羽給諫寄園故址

我本識字耕田夫一椽家住錢塘湖自從釋褐注朝籍破屋久
向長安租一年官俸抵不得打門那免人追呼中庭更無草木
映如人面目先焦枯昨晨過客爲我說有屋乃在城西隅寄園
名字耳所熟况復價減千青蚨天寒手指凍欲裂移家連日忙
妻孥莫謂先生家具無有酒在甕書在厨蹇驢一頭車一輛從
以赤腳長鬚奴入門老樹相顧笑此間去住皆酸儒趙家給諫
老著述墨痕四壁常沾汗當時談空說有處滿窗落葉啼飢鳥
後來名士尤作達於此但結文字娛村夫子相誰不識今朝又

入移居圖牆陰手剔故人迹尙剩健句追歐蘇壁間有王蘭泉大先
生自喜道不孤檢書插架酒注壺飲酣一吸盡江海歌罷萬籟
調笙竽人生大抵如寄耳能寄所寄唯吾徒欲從莊叟論齊物
誰信柳子非真愚來春坐待花樹發繁枝壓屋清陰鋪開簾無
事日把卷何必更憶秋江鱸

移居以來同人多以詩酒相招醉後成篇仍用前韻

三家村住非村夫往時王蘭泉大泉盛翁舉家遷此與前
前輩比鄰居此同人數以三家村目之詩人豪氣吞江湖
滿城風雨自吟呀閉門不怕人催租十年舊事等雲散求友但
有禽聲呼我移家來已歲暮蒲萄一架虬藤枯林間殘雪未融
釋瘦日初上東南隅請鄰尙少勤後酒迎富那得飛來蚨何如
西湖處士宅梅可作妻鶴可孥先生自笑長物無炊烟不起塵
滿廚東家西家邀我飲紛紛折簡來奚奴酒酣耳熱不得意高

談座上驚庸愚玉缸惜少翠袖捧醉墨不顧青襟汗自東徂西
歸路遠每聽城上三更烏捫心清夜無悵咋能令衾枕生歡娛
明朝僵卧亦何害一幅自寫哀安圖陽春有脚無不到蟄蟲何
日能昭蘇旁人莫謂意太孤萬事已如冰在壺旁人莫謂宦太
冷一官已任風吹竿詩塢一席置狂客燕市五載稱酒徒得廬
吾自愛所愛避執誰信愚非愚平生舊業相料理短榻尚有青
瑣鋪菜根咬得滋味足豈要頓頓思尊鱸

施耦堂侍御和余移居寄園詩二首雪中枉存出以見
示仍疊前韻奉報

我詩不足當一夫君詩直欲凌五湖君投我詩似投玉我負君
詩如負租新居筆墨未安頓打門剝啄先催呼前逋未了後者
繼迅速有如風掃枯雪光映紙銀海眩白龍掣影騰天隅嗟余

誰爲潤枯管貴酒苦乏囊中缺詩腸竟日輓轡轉欲典釵珥謀
妻孥爲答先生釵珥無幸留斗酒藏中厨尙堪客約光彥祖何
必米乞陶胡奴吾儕例作文字飲却令妻子嘲迂儒醉來健句
一傾瀉落墨漫笑塗鴉汗槎枒芒角出胸際拊髀絕叫歌烏烏
是時將晚雪逾大天以玉戲俱嬉娛開簾身似在江上紅衣欲
入漁師圖稠堂有紅衣釣師圖邀君更復爲白戰此詣便合追髯蘇君來我
不愁羈孤我到君能具榼壺豪情相與諧競病俗耳那足知鐘
竿插身本在冠蓋里得暇便是烟霞徒平生自笑有吟癖世人
何苦爲錢愚送君踏雪出門去茫茫十里瓊瑤鋪遂初預訂結
隣約肯嗜北鯉忘南鱸

佛手柑十六韻同于健園同年作

新柑顆顆壓疎檐淨色疑從佛國瞻密印結遲霜點染曼陀吹

罷雨廉纖大千何處求心帶合十猶堪辨指尖每觸真香思解
脫未窺全相亦莊嚴玲瓏可信非根鈍錯落纒經試剪鋸盤捧
金仙前度記船來珠海昨宵占偏高價值初登市不盡芬芳乍
發奩屈計西風剛候好彈餘甘露尙痕濡指頭誰悟三乘妙鼻
觀常如百和兼宛爾掌開教果見若爲笑徹待花拈詩吟瘦句
呈黃面帳絡微熏穩黑甜近翫却宜安越琰折枝曾許寫吳練
定逢奈女環先贈但入僧伽袖最快釀酒光陰酬瞬劫點茶滋
味別酸鹹似渠清意禪能證導我迷方晚不嫌倘與伊蒲同供
養除將麝幄卽書簾

歸鵲

甘將軍廟幾時回歷歷村墟與水隈亂點似兼殘葉下寒空又
帶夕陽來蕭條何暇求巢穩瑟縮還欣得樹偎我是欲歸歸不

得烏樓一曲怕相催

題裕軒學士圖翰布疏繞亭

丈人久息漢陰機日日亭前抱甕歸滋味一生根亦好青藍四面甲爭肥食單不用門生議木鐺能從老圃揮寫出杜陵詩裏景秋痕滿地露沾衣

長椿寺滲金多寶塔歌

不讀華嚴經不知佛富貴來向長椿寺裏游眼中但見金銀氣兀然寶塔森八觚光明面面金膏塗上摩殿脊下石級似有神鬼虛空扶鬘雲忽起迷處所殿上天龍行衙衙萬相全從一相參東鈴暗答西鈴語水阿師來何時日日飲水能不飢九蓮菩薩聖且慈要令功德人天知莊嚴多寶作供養日照耀黃琉璃不愁內庫金銀竭帑帑紛紛填暗窟當時正色重江陵諫草

何曾彈佛骨一寺已一塔起日費鉅萬不得止大千轉運鐵圍
輪空洞消沉舍利子玉熙宮裏冷西風催餉年年處處同回首
銅僊齊掩泣可憐難救九邊窮如何翻恠君恩薄竟令兒孫一
个弱興亡舊事老僧知話向斜陽宛如昨妙香吹老九蓮花古
樹蒼茫喚夕鴉剩得天金明淨處一痕壞色挂袈裟

至後大雪用東坡聚星堂雪詩韻

風颯枯林無脫葉空明好試頭番雪人家何處爨烟低樵子不
來行徑絕但留幾樹老鴉偎惜少一枝修竹折好句頻煩驢背
馱疎痕易就貂裘滅龍公游戲笑向天倒捲清寒身一掣潛聽
裂紙鱗行沙細看膠池冰作纈鼻中安能忍凍涕座上真如落
談屑平生雁爪印泥忙萬事風花過眼瞥南舍芻香北舍沽明
年餅犬今年說陽春妙曲和者誰有約道人吹怒鐵

雪後霧淞大作連日不止疊前韻

空際飛花復飛葉天遣梁雲補殘雪能教老眼看分明玉樹瓊
枝兩奇絕豈愁步障易爲迷欲插銅瓶不堪折朝陽時與照玲
瓏幻影何從悟生滅裹來寒色作團飛吹出冰聲任風掣如珠
串串挂駝髯似唾霏霏墜衣纈一林最愛著光明六出亦堪分
瑣屑樹頭刻楮徒取鬧夢裏看梅祇成瞥天花要令青女散飯
盃定容窮漢說忽然檐口踏翻多老雀歸來脚如鐵

題吳仲圭墨竹

欲云至正十年五月十三日僧道人

梅道人賣卜春波里得錢沽酒飲不已醉後槎桻芒角生夢魂
飛渡瀟湘水一竿兩竿搖夕陽旁抽新筍三尺強胸中自有成
竹在不妨紙上隨低昂雲溶溶兮烟蒼蒼南風吹來疎粉香却
思今日是何日竹醉不如我醉長開萬樓中多墨寶動我相思

此君好年年風雨籜龍吟聽到秋聲較秋早美人翠袖何日還
對此恍惚疑家山欲邀載酒入林去長鑱劬筍于其間

東坡先生生日單溪學士招同人謁公像于蘇齋用小
坡斜川集中大人生日韻五首

招公爲奏南飛曲赤壁當年跡已陳萬事總如藍尾酒一庵來
對白頭人宮逢磨蝎原多厄食少花豬敢厭貧認得百東坡宛
在水中明月畫中身

吾杭遺愛說髯仙金鯽池邊好句傳祭竈請隣成往事淡粧濃
抹有前緣一堤春水環花樹萬丈涼雲埽葑田如此湖山如此
客相思六百有餘年

眼中人物判洪纖君子由來衆所讒滄海此身稊米小青山是
處劒芒銛睨人蛟鱷何須怕名世文章未許謙一覺笙鐘聞枕

上桄榔葉黑雨風兼

有子追隨萬事寬頻教樂意上雙顴乾糟但學生黎法春夢都
忘內翰年九華壺中添日月一編海外記林泉鳳毛麟角原非
偶直接奎光照九天

遺集蘇齋久弄藏公來此地卽公鄉身從笠屐圖中見人在華
嚴法峴望千古名成纔是壽一家才大孰能量瓊樓玉宇高寒
處歸去乘風謁紫皇

元夜值雪耦堂招飲同陳寶所給諫作

傳柑好會踐君招絃管無聲雪亂飄玉宇人間疑月地銀花天
上作燈宵得來冷淡詩逾健助以光明燭對燒一事尊前拋不
得新年梅信段家橋

元延銷歌

銘曰長安舊例銀三斗銷枰夜第廿
五斤八兩元延元年十月造

篆書蠅扁稱近古銅文令見元延元迴環三十又五字受三斗
許視上尊長安供器有程式斤兩一一銘款存孝成失德盛女
寵嗟十月造霜已繁關門牡飛不知警屬車豹尾承君恩蘭肴
不飽燕燕腹後宮啄盡諸王孫此銅那免辱金辱禍水所漬銅
花昏昨年出自新鄭野曰銚曰鎔紛紛論我無尚功原甫癖不
辨敦鬲盤盃甌樂無事日宜酒食對月滿注村醪渾五侯之鯖
何足數用代老瓦田家盆

遣妻子南歸志別六十韻

忽忽仍爲別茫茫愧此軀養猶虧菽水情敢計妻孥送汝臨厓
反愁余對燭孤經宵迷短夢得句託長吁仕宦中年近長安老
屋租與偕聊慰藉卽事費枝梧破壁方酸雨迴腸只苦茶但教
相料理差可解煩紆時際讎書役因之入直趨

聖人搜禹簡下士濫齊竽爇火分星杖奎躔接斗樞風雲高閣
護天地大文敷領袖推元老追陪仰碩儒詞先分皁白字肯恕
焉烏退食常中只留賓得小娛魚鰕謀設饌櫻笋促開厨撒薦
從隣剽持釵付僕沽身親操井臼客其醉醺醺辛苦誰堪替艱
難爾善圖諸男都宛宛嬌女最愉愉眉目差如母衣冠漸學吾
長成眞倏忽婚嫁亦須臾自笑生涯拙終難涸轍蘇人皆援以
手已獨集於枯齊物希莊達談天效衍迂一場看傀儡幾箇問
樗蒲未要爭蝸角徒然守鬼株移家剛昨歲僦宅卜幽隅入畫
村夫子相從赤腳奴殘書無次第長物足胡盧人世原如寄茲
園幸未蕪空腔撐老柳高蓋擁圓榆出寺鐘聲大題軒墨點麤
及肩牆薜荔緣隙地瓜壺觸境思偕隱呼兒且負芻桴船通北
郭垂釣傍西湖社酒春雙履繚燈夜一絢著書忘歲月閉戶頌

唐虞甘旨承歡有周旋與世無何嘗美簪黻胡乃負蒞鱸愁併
絲連理勞牽尾畢逋本來炊似玉安得唾成珠故事謬臺築旁
人債帥呼錢神偏契闊路鬼互揶揄罄質長生庫頻煎方寸爐
持門空健婦笑士到樵夫重以庭闈遠兼須杖履扶望雲思故
里竊祿愧皇都文采消鸚鵡歸心感鷓鴣箸籌煩欵欵俎代
効區區爲勉

君恩報休傷子職渝力能擔定省身乃任勤劬爲卒謀行李妻
涼轉舳艫半生龍出骨一曲母將雛齊樹哀蟬罷淮流落葉俱
迎應歡弟妹到定慰翁姑紈扇愁搖影蒲團學結跣臨風懷骨
肉吹雪上頭顱徐淑書能寄江淹賦孰摹銀河清淺在夜立爲
踟躕

題畫蟬

江湖來往夢頻頻一曲爬沙換譜新有約黃花邀酒戶相逢青
眼對紫人稻田漠漠斜陽路蘆葉蕭蕭古水濱解我清饒須大
嚼不煩幾輩寫輪囷

雪後同祝芷堂先生曹習庵在虎周載軒兩前輩趙穆
亭大理承杰集陶然亭分韻得松字

凍禽噪客起去躡樵子蹤迴陽在林薄但覺雪氣濃杜喧無遠
途境冷人不逢虛亭納萬象照面皆寒峰微茫日雲流衆峰欲
相從想見薜蘿人瓢酌清滿胸寓目泥真素葆心懷凜冬冰霜
更何感有願盟青松

夜集趙穆亭不自棄齋分韻得興字

且共歡此尊流連燈下語不知門外雪夜半深幾許合好忘主
賓醇意托雜黍卽境不爲樂殘年詎我與梅花夢見之風霰滿

河清天寒人不來白雲渺修阻孤懷戀朋觴萬事感羈旅修竹
約可償茅茨卜深處

題蔣仲和和傳筆圖并序

仲和爲湘帆先生孫先生曾書詩筆貽其子婦汪且跋云吳中
春杪余遣婢心事殊惡加之目盲手戰棄筆墨久矣夏初又將
渡江恐一朝溘逝失賢子舍之望乃力疾集毛詩句祝其身康
強子孫逢吉嗟乎自亡荆去我廿有八年家蕩然矣僅得此少
婦尙天祐善人俾長養役嗣使吾家一綫不絕是則乃翁之私
願也云云汪則仲和之母也後以筆授仲和仲和今居京師繪
傳筆圖索題

兒來前兒不識爾祖兒聽爾母言爾祖雁眉鶴髮秀頰童顏吐
詞出金石噴墨成雲烟十三經作鐵拄杖腕底鬱鬱胸便便我

昔來爾家爾祖謂我賢書我手中箠煌煌南雅篇身其康強子
孫吉默祝忠孝延之天吁嗟乎爾祖一去今幾年白雲還山身
已仙有孫傳硯亦足喜硯田母謂皆石田兒來前俾爾此箠世
守焉清風累葉食報遠勝似貽爾黃金千吁嗟乎兒今切去又
幾年蓼莪譜入哀哀絃但留此箠在伴兒來幽燕入懷宛爾見
明月何曾照到萱花邊母言在耳兒尙記母捨兒去兒誰憐鶴
唳鵲啼心萬疊淚痕常漬墨痕鮮

桂未谷司訓自濟南以所得醉鄉侯舊銅印寄贈賦此
奉謝

十年燕市稱酒徒狂歌擊碎青珊瑚肘金如斗不足羨但羨有
酒如醞醕桂君與我同嗜好囊空慣脫春衫沽自從出作廣文
去令我不樂聞提盡鯉魚昨爲致芳訊媿以小印銅花鋪醉鄉

侯字漢製古頭銜假我良非諛我遊是鄉熟能說風氣厚厚希
唐虞清風不用一錢買白月有約三人俱往者乘風之帝所鈞
天大樂調笙竽酒酣命草甘液傳錫以湯沐非區區醴泉萬戶
隸版宇釀國千里分膏腴青州拜從事天祿授大夫黃者宜封
紅者友清斯稱聖濁乃愚眼中時覺天地小壺裏安知歲月徂
有鄉如此合終老得侯雖假聊爲娛方今六月例逃暑河朔有
會相招呼瓊頭捉醉試新格座上選勝邀被姝陶然便入是鄉
去笑倚花影來相扶人生隨處著根脚四十那不知頭顱美人
老去夕陽暮芳草沒盡黃公壚謂朱竹君前著
蘇仲則明經摩挲此印三嘆息侯
乎碌碌今歸吾無功舊隱在何處相思夢遠蓮花湖先生幸勿
化鳥有進士大笑皆侏儒朝飫將軍飯暮飽金吾厨不如廣文
夫子一事無買酒日日收學租秀才打門來問字麴生風味無

差殊胡爲不自主敦槃此鄉讓我爲華胥感君情重作詩報酒
氣拂拂墨點麤詩成把琰復醉倒風雨那知人索逋

題王文簡公載書圖四首

公于康熙辛巳無錫遷葬怡裝載書以行其門人潛江朱載堉爲周鴻臚寫圖以記

珠槃玉敦集簪裾官職聲名若箇如不是禹鴻臚一畫誰知歸
去只殘書

慈仁寺裏故人俱斷軸零籤賞不孤今日一尊誰送別白頭朱
十早江湖

戴笠歸來有後緣夫子亭上手丹鉛百城坐擁非容易書庫經
營三十年

聞道遺編不可收更誰壇坫繼風流吟詩我欲尋三昧畫裏垂
楊幾筆秋

臘月七日胡書巢太守

德琳

王若農少府

尙珏

招集寓

齋分韻得尚字

蓬萊閣上賢賓主海月招來共此宵名士酸寒燕市酒宦途消
長秣陵潮頭顙冉冉衰絲戀風雪忽忽短燭燒歸去梅花鄉夢
遠早催粥鼓起禪寮

鄭公釣臺圖用程篁墩舊韻爲程易疇孝廉瑤田作并序

歙縣富登渡有鄭公釣臺四字爲元余忠宣公關手書石刻蓋
爲鄭師山作也其事詳師山集富登釣臺記明成化間程篁墩
爲賦詩且於臺前作亭榜曰仰止摹其書裝潢成冊自題其後
一時和者甚衆沈石田復爲詩及圖以傳之今易疇孝廉追慕
其鄉前輩復仿石田作釣臺圖徵余賦詩

篁墩對面釣臺石忠宣手篆字盈尺竹密松深近少人登臨却

有前賢跡高風落落鄭師山仰止不見冰霜顏藤蘿晝掩老猿
泣風雨夜捲長鯨還蒼茫識得孤忠意千古此臺同此字畫中
猶是舊青山人間已閱滄桑事扁舟日暮寒潮生往來漁子皆
弟兄一竿秋竹等閒把釣隱偶託先生名干戈滿地白日落天
遣丹心照巖壑元家正氣仗爾公力挽千鈞一絲絡簞墩有句
吟不孤石田之畫今更摹不知清水塘邊月能照富登村口無

雪羅漢二十四韻

嚴陰朔雪深幻相西方託散花出天工犯冷屐童謔戰退龍公
豪力逞獅子搏木來無象中宛爾真形作身先試轉輪意不在
行脚騰之琉璃床承以芙蓉萼點睛蘸金壺斲鼻運神鐫乳較
佛圖瑩竅比渾沌鑿禪心惕泥沾鎖骨訝玉削丈六白毫騰百
八意珠絡入定夢可通渡海伴宜約何必三衣俱但少一鉢拓

塑窮劉戀技盡仿貫休格經營見慘淡位置極斟酌是時暝色
交坐覺慧光掠殘響灑芭蕉餘霏綴瓔珞石顙醉象蹲樹黑藥
叉惡四大盡空明萬象生怖愕澄觀哆笑口獨坐破禪縛非花
非水因不見不聞若彼法誰上乘此界真極樂祇恐色是空乃
悟今非昨滅頂朝陽升燃臍夕燈灼肉身付茶毘米汁化糟粕
要作無我觀終受子虛囑歸歎望雪山紅塵何處著

冒風出右安門看花作歌

游春不怕東風惡出郭唯貪看花樂黃塵勃勃行不知車碾雙
輪驟四腳竟穿沙路走修蛇漸聽花枝啼孔雀雀聲催客花底
來枝上繁英五分著同巒向背形勢異紅白參差精氣託和春
常自影濛濛將晚但愁寒薄薄狼藉餘香苦被吹黃蜂粉蝶齊
飄泊人生不飲良可惜昨日花開今日落落花爲席艸爲茵十

千乞取金杯酌綠波浩浩天上來酒邊搖動琉璃箔流水浮花
去不回回頭但有鷗如昨繁華過眼同一例日暮天涯感蕭索
花神請作惜花歌權當青旛吾肯諾

禮闈分校卽事五首

江南春其

詔書來

時自江南巡典試之命由江南至蕊榜掄英

特許陪刮自金篋皆慧眼量經玉尺定奇才羣公袞袞扶輪手
此地明明市駿臺多少英雄齊吐氣星文天上耀魁台

若箇朱衣暗主張端憑白水矢心腸文章漫說新花樣閱歷方
知古戰場能結我緣收鐵網欲登彼岸待慈航者番也得傳衣
鉢重向師門熟辦香

升沉爭此一須臾黑白分明局上俱三尺積成埋筆家幾人證

到選仙圖天吳紫鳳愁顛倒木葉山花漫覬覦拚得荒莊同陸氏當年爲問有莊無

姓名誰稱碧紗籠無限淒涼爨下桐食葉聲消嗚咽裏落花風繁夢魂中媒勞枉費氤氲使情斷俄成亡是公我亦者般滋味孰肯教輕易葬殘紅

蕊榜旋看淡墨標城南尺五卽雲霄名繡楚夾題千佛箭激蓮花仗一驍寒士幾回頭欲白神魚昨夜尾新燒門前詎敢私桃李培植梗楠答聖朝

題洪上舍範畫執梅種竹圖送程魚門編修卜居江寧

二首

求田問舍計殷勤畫裏林泉一角分吾輩相思千里月天邊招

隱六朝雲古香不斷來春色晚節能彊視此君四百招提屋前
後鐘聲和雨墮紛紛

閱盡烟雲笑底忙溪山勝處卽吾鄉有梅有竹開詩境不富不
貧成草堂雨箇寓公同白髮謂袁簡一條古巷踏斜陽千秋著述
添多少別後心情話更長

宋芝山孝廉畫藝梅種竹第二圖再送魚門二首

生面重開烟雨間梅香簇簇竹斑斑人如燕子巢新卜江有鱸
魚夢早還名士古來稱白下全家此去靠青山廿年氣短長安
債先乞今朝畫裏閒

幾朵峰環白板扉三間閣傍釣魚磯月明少妾焚香坐日落嬌
兒放學歸樹自老蒼花自韻竹能疎瘦筍能肥幽居便是神仙
府稱去聲得吹笙著羽衣

紀事三首

羽檄洮河一騎飛
櫓槍西望角輝輝
不防回紇私尋釁
聞道臯蘭正合圍
官吏幾人猶曉夢

君王連日已宵衣
最憐通渭城邊路
野草深埋碧血肥

謂前威遠令李南輝

父子死
感事

風雲遠護旆悠悠
已報將軍度隴州
羽騎自空聞蹴踏
花門從古悔羈留
死聲送到衣冠白
兵氣吹來草木秋
爾輩祇如蠻觸
門枉教膏血染戈矛

免胄人爭望葉公
果然幾日奏膚功
梯空汲斷枯魚泣
架險巢焚鷲鳥窮
合有蟲沙歸劫裏
即看兵馬洗湟中
師還得慰秦人
願饒吹齊聲唱小戎

題周韓江心教納涼圖二首

萬荷花就水雲栽四面湖風葉上飛買得刺菱蓮子賤湖心亭
記酒船開

馬上朝衫白汗污街心冰盞賣樂呼老髯日日閉門卧心裏清
涼畫得無

魚門將由陝西而南病卒於秋帆中丞署中賦詩志痛

三首

淚難垂處送行時愴我今朝淚獨垂纔出潼關來死耗轉悲燕
市豈生離情緣頓了桑三宿別恨常懸柳萬絲身後不教遺憾
在九原那不感心知

謂中丞及王蘭泉大泉

米市街頭寬復寬可憐斜照易生寒門前我記頻停馬室內人
誰視蓋棺寄屬何留遺負雅稱名士債清華老博翰林官者番腹痛
經行處偏是通衢欲避難

說到長干要卜鄰只今梅竹畫中春百年天地誰非客六代江山欠此人
著述等身皆可久鬚眉合眼總如真竹西他日尋君墓腸斷秋風薦白蘋

題趙味辛舍人

懷玉

春湖晴泛圖三首

蘋香在水水浮空十里黃吹菜隴風啼煞新鶯忙煞絮寫晴寫得夕陽紅

紺碧蘿陰壞塔頽啞柳外鶻聲回羨君畫裏還看畫一路青山過眼來

呼鷹臺上滿寒蕪如此春風省得無土步魚肥鞭笋白教人那不憶西湖

宋孝宗書紈扇真迹

詩曰春雲初起拂青林冉冉因風度碧岑既解從龍作霖雨沛然出岷岷無心後許延德發書小印甚高

時題畫之作

阜陵宸翰廿八字選德殿書玉章記西湖花鳥風正晴憂民却
 寫為霖意冰綃脫自龍女梭羅袖動涼涼已多君王不省班姬
 怨君王自喜大風歌孝宗眷情有感詩神州應求遠當常清中歌同時猛士韓岳死誰為中
 原雪餘心剩箇清涼搖扇人符離之敗吾悲矣符離之戰郭宏淵謂衆原猶且不堪况烈日中被甲苦戰乎人心遂搖從龍作雨思賢臣廿七載見垂衣勤毫端揮灑
 動雲氣與民盎盎同為春荷花桂子春復秋重華宮裏西風愁
 扇紙零落那足道德壽笙歌感夢遊

哭施耦堂給諫二首

如我論交已十年更多老輩話從前紅燈綠酒無虛夕流水高
 山感此賢柳巷雲荒秋燕壘柏臺霜老夜烏天天涯定約魚門
 雙歸向蓬萊會列仙
 為閣斜陽石氣秋即看書畫不多留鶯花世界情為累蝦菜妻

兒祭亦愁四品新銜身後換

君沒後始有撫州知府之命

一場舊雨集中收蕭蕭

素旄江南去捲起吳波作淚流

題黃仲則遺詩後

謫仙樓上謫仙詩如此才華可惜之廿載風花龍出骨萬言珠
玉豹留支美人黃土今生歇才子閒情若箇知想見一燈秋雨
裏通簷長爪苦吟時

京師索題
程松門畫漁洋先生夫子亭第一圖桂未谷自山左寄

長山地是於陵邑桂君司訓今兩年只愁飢似陳仲子三日學
舍炊無烟夫子亭讀阮亭記古歡仰止於陵賢尙書白髮老歸
去豈比廣文無一錢菟裘營向抑泉口對面魚子山娟娟松聲
竹聲秋不息每若吟出新詩然松門之畫此其二熟極乃見天

機全始看草草構峯勢諦視活活流雲泉中間三昧詩卽畫百
首如讀慈仁鵲古夫子亭詩稿先生丙戌居里中作大名成問卜文昭爲校刊于京師慈仁寺今其刊本已不可復見矣詩今難得畫
乃傳廣文先生有夙緣曉來忍飢餐蟻綠磬頭一簇當窗前高
風豈慕伯夷築舊雨每感漁洋編余書欲夢到蚓鳴石鼎
茶初煎